

JAVNI POZIV ZA UČEŠĆE NA DVODNEVNOJ OBUCI U PERIODU OD 29-30.11.2021. GODINE I DODJELU GRANT SREDSTAVA PODRŠKE MARGINALIZOVANIM GRUPAMA ŽENA POGOĐENIH KRIZOM COVID 19 SA TERITORIJE OPŠTINE MODRIČA I VUKOSAVLJE

1. OPŠTE INFORMACIJE

O PROJEKTU:

Pandemija COVID-19 ozbiljno je uticala na zdravstvenu i socijalno-ekonomsku situaciju u Bosni i Hercegovini. Zemlja koja trpi teške poslijeratne tranzicijske procese i koja se suočava s velikim ekonomskim izazovima, našla se pred drugom krizom koja ozbiljno prijeti čovječanstvu. Trenutna kriza otkrila je i produbila postojeće društveno-ekonomske nejednakosti. Najugroženije društvene skupine kao što su etničke manjine, uključujući Romske zajednice, osobe s invaliditetom i žene najviše su pogođeni ovom krizom koja je uticala na njihovo zdravlje i ekonomsku stabilnost.

Projekat „Socio-ekonomske intervencije za umanjeње štetnih posljedica uzrokovanih pojavom virusa Covid-19 u Modriči i Vukosavlju“ provodi Udruženje građana „Budućnost“, kao jedna od partnerskih organizacija koja učestvuje u sklopu projekta „Covid-19 Nexus odgovor za poboljšanje društveno-ekonomske situacije marginalizovanih ljudi u 6 zemalja Zapadnog Balkana“ podržan je od strane CARE Internacional u BiH – Sarajevo i Austrijske razvojne saradnje od 01.05.2021. do 28.02.2023.

2. SMJERNICE I USLOVI ZA PRIJAVU NA JAVNI POZIV

Predmet javnog poziva

Predmet ovog javnog poziva je učešće na dvodnevnoj obuci u periodu od 29-30.11.2021.godine koja će biti edukativnog karaktera i omogućiti učesnicama da uz pomoć konsultanta ojačaju svoje samopouzdanje i razviju biznis ideju. Prilikom da apliciraju za dodjelu bespovratnih sredstava u vidu robe i materijala će imati sve učesnice koju prođu obuku, dok će samo njih 10 biti podržano s ciljem razvoja i unapređenja vlastitog biznisa u maksimalnom iznosu do 1.200 € bez PDV-a, po porodičnom domaćinstvu.

Maksimalan broj učesnica u obuci je 15.

Prihvatljivi troškovi

Sredstva iz ovog javnog poziva se mogu iskoristiti samo za finansiranje sljedećih troškova:

- Paket podrške u poljoprivredi (opreme i repromaterijala za održivost poljoprivrednog gazdinstva, plastenika ili opreme za platenik, nabavka sadnica voća, rasadnog materijala ili slično)

- a) Paket podrške u samozapošljavanju nabavka osnovnih sredstava i opreme za rad (oprema za frizerski salon, mašina za izradu predmeta od drveta, različitih materijala ili slične opreme za obavljanje samostalnih uslužno-zanatskih djelatnosti)

Ko može aplicirati?

Mogućnost učešća na ovom javnom pozivu imaju žene koje pripadaju marginalizovanim grupama, žene žrtve nasilja, samohrane majke, žene sa invaliditetom ili žene koje u svom domaćinstvu imaju dijete ili nekog drugog člana sa invaliditetom, starije žene, nezaposlene žene koje žive i koje će svoju samostalnu djelatnost obavljati u ruralnom području na teritoriji opštine Modriča ili Vukosavlje, koje posjeduju vlastito zemljište, koji se nalaze u evidenciji Zavoda za zapošljavanje, korisnici pomoći Centra za socijalni rad, žene koje nemaju druge izvore prihoda i sve druge marginalizovane žene koje su pogođene krizom COVID 19. Svi prijavljeni trebaju imati prebivalište na području opštine Modriča ili Vukosavlje.

3. LISTA POTREBNE DOKUMENTACIJE

Potrebna dokumentacija

Na osnovu Javnog poziva i vašeg iskazanog interesa za učešće na obuci, a nakon toga i apliciranju za paket podrške, potrebno je da popunite prijavni obrazac koji se nalazi u prilogu i dostavite ga na mail buducnostmd@yahoo.com ili u kancelariju UG „Budućnost“ u roku od 7 dana od dana objave javnog poziva.

Potrebnu dokumentaciju za paket poljoprivrede i paket samozapošljavanja učesnice će dostaviti nakon realizovane obuke zajedno sa popunjenom aplikacijom koja će im biti naknadno dodijeljena na obuci.

Potrebana dokumentacija PAKET POLJOPRIVREDE

Broj	Naziv tražene dokumnetacije
1.	Popunjena aplikacija
2.	Kopija ZK izvoda ili kopija aktuelnog ugovora o zakupu zemljišta, ili ugovor o pravu korištenja zemljišta bez naknade (ugovor ne mora biti ovjeren kod notara)
3.	Podnosilac prijave ima prebivalište na području Opštine Modriča ili Vukosavlje - Kopija CIPS-a
4.	Kopija kućne liste
5.	Kopija potvrde od Zavoda za zapošljavanje (Biro) ili izjava o nezaposlenosti ovjerena u opštini (posebno se odnosi na domaćice ili druga lica u domaćinstvu koja su nezaposlena, a nisu na evidenciji Zavoda za zapošljavanje) – dokumenti ne smiju biti stariji od 30 dana
6.	Potvrda Centra za Socijalni rad da su korisnici usluga
7.	Nalaz ili potvrda stepena invalidnosti za aplikanticu, djete ili drugog člana u domaćinstvu

Potrebna dokumentacija SAMOZAPOŠLJAVANJE

Broj	Naziv tražene dokumentacije
1.	Popunjen prijavni obrazac
2.	Podnosilac prijave ima prebivalište na području Opštine Modriča ili Vukosavlje - Kopija CIPS-a
3.	Kopija kućne liste
4.	Kopija potvrde od Zavoda za zapošljavanje (Biro) ili izjava o nezaposlenosti ovjerena u opštini (posebno se odnosi na domaćice ili druga lica u domaćinstvu koja su nezaposlena, a nisu na evidenciji Zavoda za zapošljavanje) – dokumenti ne smiju biti stariji od 30 dana
5.	Potvrda Centra za socijalni rad da su korisnici usluga
8.	Nalaz ili potvrda stepena invalidnosti za aplikanticu, djetę ili drugog člana u domaćinstvu

4. PROCES ODABIRA

Izbor korisnika pomoći na osnovu ovog javnog poziva će vršiti imenovana komisija koja će se sastojati od predstavnika donatorske organizacije CARE Internacional u BiH-Sarajevo, te osoblja UG „Budućnost“ Modriča i lokalnog predstavnika poput predstavnika/ca opštinske vlasti ili zaposlenika/ce Centra za socijalni rad. Komisija će razmatrati prijave u skladu s odredbama ovog javnog poziva.

Rezultati o izboru korisnika projekata biće objavljeni web i Facebook stranici **Udruženja građana „Budućnost“**.